

序

人類活動之跡象既受於空間亦受於時間記載以類活動之跡象能把握以空間與時間而充介扶茲其特律性者在國為良史在地方為良志可傳不朽中國之有地方志乘由來已久然禮制陳之相因空疏不可名狀故有派書數十卷而敘以時序說以果實者蓋以社會未變故心理未變事未

變而又亦不變也自共和肇創政
制悉改迨國及革命軍興由陝
江以達黃河南北中國及界在思
想上起巨大之變化於此而將作
志以記一地之事一物之人一方之
物其豐富繁複有非舊志體例
所可擬民國二十一年二月一日
余出巡豫北適次獲嘉鄒物志
古愚以新修縣志進請余一言
再述縣中新為人士回見終不

因事執甚烈。或不能成。于賴其逆
父。至乃於中。釐之。調和。新舊。閱
三月。而後去。余得在去。封建。制度
方告崩。潰。而革命。為未。厥功。之日
新。意。思。潮。之。衝。突。理。也。亦。據。也
昔。有。縣。志。之。體。例。定。自。中。央
循。其。體。依。其。例。記。其。人。述。其。事。載
其。物。用。現。又。史。學。限。克。叙。述。生。地
方。事。實。新。志。者。每。失。其。為。新。舊。者
三。得。其。為。舊。把。握。時。以。占。地。方。特。性

以成現代志業則有賴於才學識
三長而不可藉社為門戶事亦小
亦亦而為調和者志者矣茲志是
否有合於者為位與細閱姑述其
信差誌以狀

中華民國二十一年二月官駐豫
特派員劉峙誌在河南省政府主席
劉峙誌在河南省政府主席

序

存往蹟樹來規方志之利豐於國史獲嘉縣乘自清乾隆丙子吳令喬齡重編後迄今茲無續者愒亦甚矣然非特獲嘉也民國肇造以還其以志事促各方者奚啻五申三令而成書猶寡於曙星其癥結蓋有二薦紳先生篤於嗜古湍毫灑翰惟前人或例是紹而於近代新猷熟視焉若無覩是猶遠適者終日蟄伏室中其弗能達萬里之前程可知也趨時之士哆談改革睨囊哲所留遺悉鄙爲芻狗思盡燼之以爲快是猶築室而棄其基雖百計庀材其不能大啟爾宇更無疑也維獲亦然志局之闢肇於十年因循至十七年卒以中廢二十一年五月予來權篆思有造於是邦而文獻未備虛無所根以善其設施於是重啟志館聘邑中耆宿陳君耀卿郭君伯英丹忱分司考纂比事屬辭星霜兩閱稿已大略備矣復以見解錯迕書不得成邑人士爲折衷計請於予以書奉迎予從父既至覩志稿才陳君兼嘉二郭君之能而惜其不能相與以有成也爰與予謀謂陳君學博而識偉其考据之精審非特晚近所

希逢抑亦舊志所弗逮惟最近數十年事實亦賴二郭君網羅當兼採所長以成完璧議定取陳郭三君藁反覆審諦擷其菁華其有闕略更爲蒐羅以補綴之計芟莠凡五更而功歲焉疇幸哉自茲日厥後眎土地河渠物產諸志則土宜水利盡得而獲之農業可興也眎建置志則知前人在獲具有成勞不可不有以維之而且增廓之也眎賦役志則覺獲民之負荷已艱弗忍更事腴削且思用所取者爲獲士女福也眎兵防志則獲在目前雖幸無伏莽要不能不防患於未雨也眎職官志及人物志中循吏傳則思官斯土者之多非有浹髓淪肌厚澤未易留去後思也眎人物選舉藝文諸志則悟獲亦有才闢黌舍而陶淑之文化未嘗不可蒸蒸日上也眎民族風俗祥異諸志則哀獲人之數罹災祲僅存餘息而樸猶未漓當有以繁其生齒而更與於變以進至陶唐之時雍也然則是書也人目之爲方志予操之爲治譜後之君子其有與予同情思登是邑於上理者乎請按籍而稽

中華民國二十三年六月吉日獲嘉縣縣長鄒古愚撰

舊序 萬歷癸卯

彰德府同知 管獲嘉縣事 張蘊道 五臺

邑之有乘猶國之有史所以存往蹟考風俗明勸戒也故按籍而理者每於志亟焉不佞之視事於獲也意欲有所興除輒進鄉父老問所疾苦暨他掌故具不能悉已及邑乘則謝無有遂僂然曰邑縱疲甚奈何并載籍泯泯也即一旦當事者憫其弊欲訊故實而更張之抑或輶軒使者行有撰述於茲探風問俗余又何藉手對乃決策纂修而苦於案牘旁午未之假也會海虞錫元陳公署邑博錫元世其家學雅擅文譽爲具聘請曰以不佞之職在茲土所使一邑之事燦然臚列自不佞責也乃足下借重邑庠獨不能爲不佞操三寸弱翰理鉛槧事乎錫元起拜謝不敏余請益堅於是集生徒咨故老搜羅軼事採摭異聞自圖說至雜志得卷凡十越三月而稿竣持以視予予持以視縉紳先生畧加詳定僉曰是編也約而不遺贖而不冗文而不誣質而不俚可以傳矣爰付之梓又一月梓成余將勾當世椽筆弁其首而邑諸生請不佞先序所以夫衝疲之邑廢墜良多余自視事來宵且料理如督逋課釐積弊

澹河渠節郵傳繕公廨無片晷隙然尙猶棼絲理之而愈覺其棼也則今日所當舉者又寧止一乘而顧亟修之何也徒以舉一廢而百廢可知也展卷間覩土田之磽确則思賦稅之難供慨生齒之流亡則思繇役之難任占嘆溢之不時則思儲侍之宜預感前哲遺愛之在人則思獲未嘗不可治而治獲未嘗無善政其他力有不足時或未迨者尙冀後來之補苴未易更僕數也大都志具之矣蓋獲志特與別志異別志誇其華實惟恐不盡獲志寫其彫瘵亦惟恐不盡即謂獲志當鄭俠繪圖可也若夫轉瘠爲腴變呻爲謠俾獲俄成樂土自有當事者主之謹按籍以從

又序

馮上知邑人

張公治獲之明年慨邑志湮滅故典無徵爰命學博陳君菟散伏詮次其事凡兩閱月而卒業其中要會余既得與聞則宜列數言於首先是邑政之失非一端更數令皆以不職罷去當事者憂之乃疏議非得才敏吏已試而有徵者弗勝此擇所屬以公名上公時倅鄰郡則請加秩郡丞治邑事制曰可於是邑人相慶慰云君子謂斯

舉也可以觀政矣余惟一國之具與一邑同一邑之具與一人同人之身有皮毛筋骨腑藏血氣善醫者審其表裏然後得之所以受病而調劑有方邑之志即國之史此亦人之皮毛筋骨腑藏血氣所具也不備不可以爲人不知其孰是又安知其病而爲之去不可以爲備先王之訓曰表山川正疆域分田賦程土俗著風物剛柔燥濕巨細美惡陳風昭事厥垂載籍豈文具設哉國之所以爲國邑之所以爲邑猶人之所以爲人也撫痛癢而問災祥是呼吸相關者夫天下之勢積習有因要於早識而力爲之返建國立邑綱紀命脉如人之生初亦何嘗不强且盛及其情識既透而外誘相仍其强可立弱也嗜欲日攻而元神內耗其盛可立衰也嗟乎此可恬然不亟省耶余覽是書邑之戶口非虛而遊閒衆地畝非狹而輸納繁生殖非稀而取用侈習稟非薄而訟獄滋衣冠輩興而緩退讓耕鑿同力而羞賤貧文學漸開而疏本質法令條布而少和平可謂長華虧根離正入巧種種受病矣此與人之將弱且衰者何異彼夫憫然顧慮相輕重參疾徐以振起其病而還之强盛者其道可知也公之

爲是書有意乎蓋宰物經世本於神情故邇可遠小能大始有終也記曰通於一萬事畢夫公之神情備矣有其一矣此安論治邑於天下事奚有焉若乃象類具形於指掌義例存法於微言既典且彰是書有足多實惟陳君之才余勿具論論所以命志意如此志凡若干卷張公普之五臺人陳君吳之常熟人也

又序

獲嘉縣 陳禹謨 常熟 教諭

獲故有志第刻本無傳每輜軒使者往來欲採風問俗而無從也會鄴郡丞五臺張公來視獲篆百廢具興一日謂謨曰惟是邑之乏乘自大欠事也余以簿書稠濁圖有所撰次而未遑願以屬子謨謝不敏焉公屬之轉堅遂勉應命先時齋頭故匱所存蠹餘若干帙有舊志副本逸諸籍中蓋未卒業之書也檢而哀之纔得十五既王生維翰手一錄至視前本不能加詳最後得省通志郡總志以證二錄間有前未備者時蓋得十之六七謨更造邑薦紳先生諮訪故實薦紳先生率不憚媿媿而諸生中亦各出所覩記相眎無虛得十之八九謨遂謬爲詮次畧者詳之闕者補之俚者

文之每卷頭弁以小引中亦時附鄙臆凡三閱月而報竣彙得十卷持以復公公曰
盍謀請政乎謨則再造請薦紳先生間摺撫未當者曰盍汰諸其不該不徧者曰盍
益諸謨敬諾於是汰者益者悉如指再以復公公從清閒之燕親爲印可付劄劄氏
且命序末簡竊惟邑有乘猶國有史也昔人作者如常璩之華陽羅含之湘中迄今
傳之未泯志所從來尙矣獲之爲邑即葦爾哉乃行山聳秀人文蔚起景物幽勝名
賢托栖路通九達輪蹄輻湊則衛以南之名區也地旣磽确而農復惰民實凋瘵而
繇偏繁財本耗詘而賦特重則河以北之巖邑也是且得無志乎顧向之臨宰於斯
者率倥偬政事安問圖籍百餘年來竟弁髦置之自公之治獲也剝繁若暇應猝若
嚮理難若易遂得以簿書餘閒修百年墜典甚盛舉已謨即不敏敢不圖所以報稱
者是役也徵近事於往牒參臆見於輿論寧樸毋華寧簡毋冗設以爲言多鄙樸事
罕圓備則誠有之如以爲構虛辭尠實錄吾知免矣第不識可藉手以報公否

舊序 順治己亥

知獲嘉 李玳 沔縣
縣事

余奉令來蒞茲土下車未閱月即奉臺檄以邑志之未報竣也復理前諭促即纂修喟然曰志也者一邑之典章文物於是焉備所係顧不重哉乃居官者恒視爲不急之務置而弗問即或有志編纂又以簿書填委遜謝未遑日復一日編殘簡斷文獻無徵伊誰之咎歟獲嘉舊志修自前明萬歷迨興朝定鼎百度惟新且十六年來厚澤深仁淪浹寰宇而志猶闕焉未載是又烏可少緩爰聘耆宿分類編修舊志之訛者刪缺者補斷者續凡戶口之盈縮土地之肥瘠賦役之繁簡風俗之澆淳科目之盛衰營建之新舊與夫忠臣孝子文人節婦之潛德幽光靡不網羅搜考彙著於篇而一邑之典章文物於是乎畧備矣稿成得以藉手上獻是役也余不敢居功道上臺之罰責已耳雖然志猶史也修國史者必旁稽省郡縣志異日轡軒使者採風蒞止而獲之文獻不至廢缺無徵則斯志之修亦不無小補云

舊序 康熙丁卯

河南 巡撫 章欽文 宛平

國史之例有紀有傳有表有志也者其史家之一體與然郡邑各有志乘以辨疆

域系人物稽戶口之贏縮覘政理之善敗山川風土歲月日時瞭然在目國史之規模亦駁駁乎備具焉獲嘉故漢縣介懷衛之間無崇山大川物產稀少民生鮮見外事頗淳朴稱易治迺自明季流寇蹂躪以來城市村墟亦畧盡矣興朝定鼎威德遐暢流移漸復廢壞具舉於是三韓賈公撫此土輯河內通志凡在屬邑皆纂成書體裁鉅麗蒐討精密爲時所稱然初出湯火生齒物力凋耗之餘未盡生息又國家庶事創起綱紀恢張而節目有待今上御極二十餘年中深仁大澤浸灌溼濡地德天和呈祥効順加以綜理經畫日益周緻典章文物日益明備水利農田之日闢兵屯郵傳之日修建置營繕之日增學校科目之日興節孝文章之日盛視昔殆不啻倍之矣夫史多集成於異代而志必隨時爲修改且史以紀往蹟而垂鑑戒而志者所以昭憲典明王制固當時奉爲法守者也而闕畧焉不備可乎茲邑令馮君以重修志稿呈其排纂搜輯多有補前人所未逮者余覽之而不禁三嘆也自守令之官每不得久於其職其視官若傳舍然至有宦於斯土而詢其土風人物之盛衰舉廢沿

革之始末喙口而不能對者能悉心講求以備遺忘而存典故者蓋亦無幾人也雖然此特其見之筆札者耳苟率此而一一舉行至於國計民生豈小補乎哉兩河屬邑以是爲標準焉而余所藉以上答聖明下慰人士者亦庶乎其無負爾已既重嘉其意又因以示勗焉

又序

知衛輝府事 金雲鳳 三韓

考之周官有內史有小史有列國之史其小而相附以見者各有紀事之書又小史之遺也古聖王命太史氏採列國風謠上之天子其間掌載故實而人心風教興善備敗之道寓焉今之一邑百里不依然古小侯國哉在昔若晉董狐楚倚相各以其地之良照耀一時自秦人郡縣而後古法寢廢雖省郡視大國屬邑視附庸沿習古意雜見修舉而世掌不專臨文多隱治忽詳畧之間蓋闕有間矣方今輿圖一統聖天子徵文考獻命各省郡縣繪纂志書以備披覽此衛輝之六屬各修輯縣志彙呈甚盛典也邇者獲目志告成馮令請序其首予披閱久之見有山川出雲物原隰丘

陵陂澤產財貨社稷壇壝主祈報凡戶口有增耗賦役有繁簡人才有盛衰官秩有賢否備載無遺因之怵怵有感也夫其志建置也如城垣昔築以土今易以磚未嘗勞民傷財也其志丁戶賦役民間視凋於昔自寧山衛歸民籍後三百年之繁衍土地之肥饒較半富於民戶學校人才亦廣於昔額應視大縣惟訟獄差多耳凡此皆今昔之殊也今而後馮令勉乎哉豈惟馮令即予謬忝師帥承流宣化責任匪輕覽丁男戶口則知民生之所由盛衰覽賦役輕重則知國儲之所由盈絀覽科名學校則知文運之或降或升此志豈非凜凜一官箴哉今與賢令尹約尙其加意民生留心教養勿負國家陳殷置輔之至意庶不至曠瘵迺職以貽覆餗之咎即予亦藉手觀成感荷良多矣是爲序

舊序 乾隆丙子

翰林院庶吉士
魏嘉知縣 吳喬齡 吳都

自京省以迄郡邑靡不有志備物垂規昭往訓來其書固與政相通也顧志雖多而佳者鮮觀其病有二或但取計簿而其言不文或徒炫博洽而其誠不著言不文不

傳誠不著亦不傳昔人謂必使涉於學者纂之則夸與鄙之病庶可免矣中州之志如邵二泉之許州崔子鍾之彰德俱見稱於漁洋先生崔志予未見比署符許昌亟購邵志則書已無存見續修之汪志義例無統事蹟疏漏竊嘆前有作者而後不能述書彼竹帛豈易事哉獲嘉縣志修自康熙丁卯距今六十餘年承乏之初即思重訂顧以簿書填委未遑操筆思得一涉於學者相助爲理因循者久之甲戌之春李上舍延之遠來視余歡然道故外商及志事上舍許肩其任於是綜核舊籍網羅近聞凡舊志之復者刪訛者正冗者節缺者增每一卷成吾兩人必更相質訂往復數四期於明備之中不失謹嚴之旨今年丙子秋剗蒨始竣蓋閱再期而後成書焉昔元史之修不逾六月當時秉筆者皆一代文章宗匠而其書繁冗重複轉出諸史下無他時太迫也少陵亦云能事不受相促迫余幸得久於其任凡境內斷碣殘碑與故家遺文墜什得以從容蒐探考証其得失抉摘其異同兢兢焉去夸與鄙固不敢自詡爲佳而以視舊志則或有過之無不及矣且夫地志一書固與政相通者也

羅鄂州之志新安也曰知儉易察息耗裁闕陔以斯爲務程篁墩志休寧亦曰公歛
厚薄民生豐儉吏治得失士習浮正俗尙澆淳胥著斯籍余惟二君之言是則故撰
錄之際必信必徵而於民生休戚治道因革一篇之中三致意焉後之官斯土者不
下堂皇一展卷而已識爲政之梗概則以是書爲地志也可即以是書爲理縣譜也
亦可上舍名棟籍隸浙之嘉興爲前直隸制府遜麓公子學人也

修志姓氏

明萬歷癸卯志彰德府同知管縣事五臺張蘊道編次署教諭事常熟陳禹謨纂修國朝順治己亥志知縣沔縣李玳較梓邑人郭猷吉王政舉纂修賀行素侯宜躬評論郭禦鋒岳素中王士哲訂正秦祚張執誠馮烈采輯

康熙丁卯志知縣徐州馮大奇校梓邑人賀振能郭元暹纂修劉克俊和光裕評論王廷楫郭植材訂正郭元昇劉文裕采輯

乾隆丙子志知縣吳都吳喬齡纂修浙人李棟同纂鄭洽分校邑人賀翰儒賀長喜馮惟憲張謙益採輯參訂郭家相李夢白傅世卿劉上卿浮漣漪陳邦梁陳世儒陳世孝岳以安岳耀棠贍錄

民國二十三年新志縣長吉安鄒古愚編次邑拔貢陳熙光郭培書舉人郭之儉分撰吉安進士鄒鵠合纂縣技術員楊會文繪圖馬長城楊振綱孫煥鼎孟良佐王進業徐文燦曹發和採訪

凡例

一舊志僅分八類吳志譏其多未穩括而區爲三十門然裂可合者而強之分亦未免過於繁碎茲取可合者合編之不可合者分紀之其得十四項曰地理建置賦役河渠兵防人物職官選舉民族風俗藝文金石物產祥異

一縣志所紀應以縣境爲範圍若取通國通省所共之典章法度洪纖備舉則與國史通志何殊茲編於率土所同者專言獲嘉奉行情形即有時不免牽涉亦惟隱括大致未敢詳載細則以災黎棗

一禹貢言三壤周禮亦重土會土宜土均土圭之法乃後之志地者僅言其形而不及其質即略分中沙礫而語焉不詳於閭閻仍少裨益茲增地質一目附以氣候匪曰好奇良欲使獲人有所依據以便樹藝而裕民生

一星野之說昔人如洪容齋閩百詩等早議其疏况獲嘉不足當一星又介乎數星之間其躔度尤難懸定而舊志引占星家言以室壁爲獲之主星亦明知其不可信

而特以爲前人必有所見丁此科學昌明時代豈能更爲徇恍之談今闕之

一黨部爲指導機關用特置諸公署之上藉符以黨治國宗旨

一文明程度恒隨交通爲進退而舊志無此名目當山處境隔阂無所取材方今往來之便消息之靈百倍疇曩因於建置中特闢交通一門詳爲登載以潛民智

一章實齋謂古蹟非建而置之寺觀不足爲建置然曠土何蹟可指既以古蹟名其蹟即由古人建置而來即不盡然而後人懷舊思古亦必畧有建置以資紀念既有建置即無論其關係之輕重皆可列入建置中無事嚴加區別以滋破碎之譏

一我國志乘大率詳於官政而畧於民事遂使數千年社會狀況及其變遷因果盡歸湮沒良堪浩嘆茲編於民事刻意求詳如民族宗教生活習慣娛樂諺語諸項目固爲舊志所無即禮俗及歲時紀略亦較舊志徵引繁富惟爲時勢所格尙有無從蒐羅與蒐羅不及者後之君子其賡續而擴張之以臻於完備是所深冀

一宗教似與風俗無關然數百年前吾民大都崇拜釋道後何以信奉耶教此中固

自有風氣而宗教之宣傳又足以化民成俗因列之風俗中

一人物以身後爲論定此自來載筆家不刊之典故獲嘉現在雖有可傳之人亦未便爲立傳惟節婦年老者更無改絃易轍之虞雖尙健存於例得書

一循吏流寓似不當與地方人物並列惟春秋本取屬比列傳尤貴圓神故孟荀可繼以鄒衍而申韓亦附於老聃方志雖不可與國史同論而循吏流寓有功德風教在地方既不能以其不同方志屏置弗載則即爲之另立政畧事畧諸名目究之入非土著仍不免於延賓而籍貫已各具本傳中即接踵並書亦何至與主人混淆茲仿賓雁入羣出羣之格分置列傳首尾庶門類不至參煩而賓主仍秩然不亂

一舊志有名釋一門生今日信教自由時代原無事效韓昌黎闢異端惟佛本空門而所稱爲名釋者乃奔走於形勢之途是自與教義相矛盾奚取焉且其事已詳古蹟及金石志中贅述胡爲今削其傳

一舊志取歷史涉及獲嘉者及神鬼怪奇之事編爲雜誌今於有關獲嘉史事業已

採其要語比類登載所餘陳言何煩具舉至搜神志怪非特爲近世諸科學者所弗
滿亦大戾孔聖人不語之心茲不錄

一不知而作昔人所戒是志於遜清乾隆以前時事大率取材舊志間有訛誤必得
古籍確據方敢更正近事則專就採訪所得檔案所存廢載於後其有不知概付闕
如未敢避固陋之譏憑臆虛造以充篇幅閱者諒之

同盟山全景



武王廟前牌坊



武王廟內唐槐



武王伐紂之飲馬池



目錄

卷首

目錄

序

舊序

修志姓名

卷一

地理

沿革 疆域 形勝 山川 地質

卷二

建置

城池附街市 寨垣鄉村

卷三

建置

學校 黨部 公署附倉庫 交通

卷四

建置

祠祀 宗祠 寺觀 古蹟附坊表 冢墓

卷五

賦役

土田 賦額

卷六

賦役

徭役 雜稅附公債 歲計

卷七

河渠

兵防

卷八

氏族

氏族 戶口

卷九

風俗

特性 宗教 禮俗 歲時 生活 習慣 娛樂 諺語

卷十 職官

卷十一 選舉

卷十二 人物 循吏 鄉宦

卷十三 人物 忠烈 孝友 義行 文學 隱逸

卷十四 人物 列女 流寓

卷十五 藝文

卷十六 金石

卷十七 物產 祥異

獲嘉縣志卷一

地理

言地之書導源於禹貢叙州而後博稽山水並及田之上下土之黑白青黃至備也獲嘉爲縣變遷數四境內山河幾類蟻垤蹶洿而地質尤爲磽薄然陋而莫之筆厥土不可得而稽又烏可得而治志地理

沿革

今之獲嘉非漢所建之獲嘉漢所建之獲嘉在今新鄉縣西南之故城村

一統志新中鄉在新鄉西南十二里漢置縣屬河內郡

漢武帝元鼎六年上將幸緱氏至汲之新中鄉得南越相呂嘉首因即其地立獲嘉縣

漢書武帝紀元鼎六年東將幸緱氏至左邑桐鄉聞南越破呂爲聞喜縣春至汲新中鄉得呂嘉首以爲獲嘉縣

其地在周爲鄆國地

唐杜佑通典鄆城在新鄉縣西南三十二里

按宋樂史太平寰宇記鄆在汲縣東北十三里一統志鄆在汲縣東北周初所分之國皆與通典不合竊考鄆立國未久即併於衛孔子刪詩已難分析何況後世惟詩注言鄆北鄆南皆衛之境而衛濱大河今新鄉獲嘉在古皆臨河之地固不必究其城之所在而知其爲鄆地也

春秋昭公十一年晉會諸侯於厥憇即此

春秋左傳杜預集解云厥憇未詳高士奇春秋地名攷略云在新鄉

秦爲三川郡汲縣地

河南通志秦爲三川郡汲縣地衛輝府志秦爲三川郡地屬衛州而續通志則云秦屬東郡蓋因宋馬端臨文獻通考衛州秦爲東郡三川二郡之地不知馬氏所云二郡之地者以衛州滑濬等縣皆秦東郡之地汲獲等縣皆秦三川郡之地也

獲嘉較汲尤西自係三川郡地不得爲東郡地

漢始立獲嘉縣屬司隸部河內郡

後漢爲侯國隸司隸校尉部河內郡

後漢書郡國志獲嘉侯國

馮魴傳建初三年詔魴朝賀就列侯位子柱尙顯宗女獲嘉長公主子定定弟石
襲母公主封獲嘉侯卒子代嗣代卒弟承嗣

三國魏仍爲獲嘉縣隸朝歌郡

河南續通志三國屬朝歌郡

衛輝府志三國魏獲嘉隸朝歌郡

晉仍爲獲嘉縣隸司州汲郡

晉書地理志司州汲郡獲嘉故汲新中鄉漢武帝行過時獲呂嘉首因改名

東渡後陷於胡帝奕太和五年庚午爲燕慕容暉建熙十一年暉使其弟臧於獲嘉

故城東北築新樂城即今新鄉縣治也

晉書太和五年燕慕容暉使其弟臧城新樂

鄆道元水經注新樂城在獲嘉縣故城東北即汲之新中鄉

後一百三十年至魏孝文帝太和二十三年己卯復置獲嘉縣治新樂城隸司州汲郡

魏書地形志司州汲郡獲嘉二漢屬河內晉屬後省太和二十三年復治新樂城有獲嘉城

越五十八年爲齊高洋天保七年丙子省共縣移獲嘉以治之

宋樂史太平寰宇記高齊天保七年省共縣移獲嘉就古城以處之

又二十九年至隋文帝開皇四年甲辰復置共城縣移獲嘉治於脩武城即今治所也

太平寰宇記隋開皇四年移獲嘉治於修武城

唐魏王秦括地志獲嘉古修武縣亦即古之南陽

唐李吉甫元和郡縣志獲嘉西南至懷州一百六十里高齊自故縣移於共城隋又自共城移於今理

一統志今獲嘉縣治即古修武亦即甯也

清胡渭禹貢錐指修武故城在今衛輝獲嘉縣西北

其地在上古爲甯邑屬冀州

胡渭禹貢錐指冀南亦距河自蒲口雷首折而東經芮城平陸垣曲及河南懷慶府之濟源孟縣溫縣武陟衛輝府之獲嘉新鄉汲縣是爲南河與豫分界

清蔣廷錫尙書地理今釋獲嘉屬冀州

清欽定春秋傳說彙纂今獲嘉縣西北有修武故城古甯邑秦置縣

顧祖禹方輿紀要圖說獲嘉古甯邑修武或殷州

周武王伐紂改曰修武

韓詩外傳武王伐紂到於邢邱楯折爲三天雨三日不休武王懼召太公而問之曰意者紂未可伐乎太公對曰不然折爲三者軍當分爲三也天雨三日不休欲灑兵也乃修武勒兵於甯更名邢邱曰懷甯四修武

羅泌路史獲嘉有甯城故修武

宋歐陽忞輿地廣記修武本商之甯邑武王伐紂勒兵於甯更名修武

顧祖禹方輿紀要圖說獲嘉周之修武地

其後分封爲鄘國地

通典鄘城在新鄉縣西南三十二里

新鄉縣志古之鄘城在店後營之南

按店後營距新鄉城二十七里距獲嘉城二十三里其西五里爲寺庄西南十里爲丁村皆獲嘉屬地則今之獲嘉亦古鄘國地也

又分封爲凡國地

袁山松郡國志共縣有凡城周凡伯國

李吉甫元和志故凡城在共城縣西南二十里

一統志凡城在輝縣西周凡伯國

按凡城今爲輝縣村名其西一里爲獲嘉之穆庄其東南四里爲獲嘉之石庄其北之南雲門南之秀才庄皆有獲嘉地是今之獲嘉亦兼凡國地也

又爲衛國地

姓源甯姓衛康叔之後食采於甯以邑爲氏

按春秋時衛人甯越以飯牛于齊桓公衛甯俞有道則知無道則愚皆甯氏之後也

春秋戰國亦曰南陽

魏酈道元水經注修武故甯也亦曰南陽矣

或屬鄆

左隱公十一年周桓王與鄭人蘇忿生之田曰櫟茅杜預注今修武縣北屬汲郡或屬晉

左僖公二十五年晉侯朝王請隧弗許與之陽樊溫原櫟茅之田晉於是始啟南陽杜預注晉山南河北故曰南陽漢書注應劭曰晉始啟南陽今南陽城是也秦改脩武

或屬衛

左文公元年晉襄公既祥使告於諸侯而伐衛及南陽杜預注今河內地

或屬韓

史記周本紀秦召西周君君惡往故令人謂韓王曰秦召西周君將以攻王之南陽也王何不出兵於南陽周君將以爲辭於秦周君不入秦秦必不敢踰河而攻南陽矣

又白起傳十四年白起攻南陽太行道絕之集解徐廣曰此南陽河內修武是正

義曰案南陽屬韓秦攻南陽羊腸道絕矣

或屬魏

戰國策秦攻魏取甯邑諸侯皆賀趙以秦得甯邑以制齊趙賀之不得令諒殺往
乃得

又樊餘謂楚王曰魏有南陽注河內修武晉始啟南陽是也

或屬秦秦一天下立修武縣隸三川郡衛州

史記秦本紀昭襄王二十三年客卿胡傷攻魏破芒卯軍斬首十五萬魏入南陽
以和晉裴駢集解徐廣曰河內脩武古之南陽秦始皇更名

又魏世家安釐王四年秦破我及韓趙段干子請與秦南陽集解徐廣曰在脩武
又赧王四十二年魏割南陽與秦

衛輝府志獲嘉縣秦修武縣三川郡地屬衛州

漢高帝二年置修武縣屬河內郡隸司隸部

史記漢二年定河內軍於修武尋置縣

前漢書地理志河內郡縣十八其第十一曰修武注應劭曰晉始啟南陽今南陽城是也秦改曰修武臣瓚曰韓非書秦昭王越趙長平西伐修武秦未兼天下修武之名久矣師古曰瓚說是也劉敞曰予謂修武則因武王伐紂名之據此秦未得天下即有修武則修武非秦立更不得爲漢立也史記言高帝二年立縣者不過謂始得此縣耳又按自武王伐紂即有修武之名然見於左傳國策者或言甯或言南陽未有稱修武者直至秦漢之際修武之名始顯則應劭之言亦不爲無據臣瓚所引亦係秦事安知非於伐之後易名修武而追叙之乎

後漢仍屬河內郡隸司隸校尉部

後漢書郡國志河內郡十八縣其第十三曰修武

魏隸朝歌郡

河南續通志獲嘉三國屬朝歌郡

衛輝府志修武屬魏隸朝歌郡

晉屬汲郡隸司州

晉書地理志司州汲郡六縣其第六曰修武晉所改南陽秦改名修武

至北魏明帝孝昌中分置北修武於清陽城以此地爲南修武後又置西修武於山陽城三修武俱隸司州汲郡

魏書地形志司州汲郡領縣六其一曰北修武注孝昌中分南修武置治清陽城有清陽泉馬泉丁公神育河陶河嶽斗泉覆釜山五里泉七里嶽馬鳴泉重泉郡戒安陽城 其二曰南修武注二漢屬河內晉屬有黃家吳城宜陽城 其五曰山陽注二漢晉屬河內後屬有沁陽城南北二武陽城孝景二年置郡初治共城後移治山陽城尋罷

按山陽置郡謂置修武郡也魏無孝景年號景字必係昌字之誤

魏明帝孝昌二年分南修武置北修武其置修武郡亦必在此年其郡初治共城

後移治山陽城不久即廢故於共不言曾置郡而此後亦不復有山陽蓋以其地併入北修武而山陽之城此後亦稱爲西修武矣

後周復於南修武置修武郡

新鄉志後周宣政元年始以獲嘉置修武郡

隋書地理志獲嘉後周置修武郡開皇初郡廢

按隋以前今治尙名修武不名獲嘉新鄉志言始以獲嘉置修武郡者誤也宜

從隋志

隋開皇四年廢修武郡移獲嘉以治之屬河內郡隸冀州部

宋白續通典隋開皇四年移獲嘉於修武故城

又於獲嘉縣故地置新鄉縣治新樂城

隋書地理志新鄉開皇初年置舊有獲嘉城後齊廢

按言後齊廢者謂齊天保七年移獲嘉治於共城也自此以後獲嘉故地全入

於新鄉

十六年又於獲嘉置殷州煬帝大業初州廢縣留隸屬仍前

隋書地理志開皇十六年置殷州大業初州廢

王世充復於縣置殷州

唐書武德二年王世充囚李育德之兄厚德於獲嘉厚德與其守將趙君穎遂殷州刺史段大師以城來降以厚德爲殷州刺史

按隋置殷州大業初已廢唐武德四年唐始復立殷州而二年即有世充殷州刺史段大師是世充復立殷州也

唐高祖武德四年王世充死復於獲嘉立殷州領獲嘉武陟修武新鄉共縣貞觀元年州廢以獲嘉屬懷州隸河北道河內郡

舊唐書獲嘉漢縣名武德四年於縣置殷州領獲嘉武陟修武新鄉共城五縣貞觀元年省殷州以獲嘉武陟修武屬懷州新鄉共城屬衛州俱河北道

按舊唐書修武漢山陽縣地脩武古名也隋因之則知今之脩武非古之脩武也又獲嘉漢縣名則雖未明言爲修武地亦知必非獲嘉舊壤也而兩縣舊志俱未辨析及此亦可謂疏於考古矣

五代因之

河南通志獲嘉五代屬懷州

衛輝府志獲嘉五代隸河北道懷州河內郡

宋仁宗天聖四年自懷州改隸衛州屬河北路汲郡防禦

宋史河北道衛州獲嘉上天聖四年自懷州來隸

金屬河東南路衛州河平軍

金史河東南路衛州獲嘉鎮一大甯

元屬衛輝路隸燕南河北道

元史中書省衛輝路獲嘉下

明洪武十年五月省入新鄉十三年十二月復置獲嘉縣隸河南布政使司衛輝府
明史河南分省衛輝府獲嘉府西少南洪武十年五月省入新鄉十三年十二月
復置大河舊在縣南天順六年中河自武陟徙入原武而縣界之流絕有清水又
有小丹河合焉

按復置獲嘉縣河南通志衛輝府志俱作十四年續通志作十三年

清因之隸河南省河北道衛輝府

衛輝府志獲嘉中缺衝繁

民國初屬河南省豫北道後裁道直隸河南省

獲嘉縣沿革表

古上	冀州甯邑
夏	同上
商	同上
周	武王紂伐兵于改曰武修後分屬鄆凡
春秋	衛鄆或晉屬又鄭屬陽南名後邑甯爲鄆併衛
國戰	仍名陽屬韓又魏終秦屬
秦	更名武隸三川郡鄆州
漢	仍立武隸司隸部內郡 武帝元鼎六年辛至新
東漢	仍名武隸司隸部內郡 侯嘉仍今在新故鄉
三國	魏仍名武隸司隸部內郡 魏仍名武隸司隸部內郡
晉	仍名武隸司隸部內郡 魏仍名武隸司隸部內郡
魏北	孝中分置北武修爲此武修南爲武修
齊北	仍爲武修南武修移縣共省年七保天 武修南爲仍
周後	宣政元年以武修南武修置郡 仍嘉獲仍治共城
隋	開皇四年廢武修郡 郡內河部州冀隸之治以嘉獲移郡
唐	武德四年復置 武德貞觀元年廢州以嘉獲移郡
五代	嘉獲仍隸河州懷道北河隸
宋	獲嘉天聖四年改隸州衛北河路郡防禦
金	獲嘉隸東河南路軍平河州
元	獲嘉隸書省燕南河北道衛輝路
明	獲嘉洪武十年入省 三十鄉復置 縣隸南河布政使司
清	獲嘉隸南河省北道衛輝府
國民	獲嘉初隸南河省北道裁後道北豫省南河隸

始之嘉獲此郡內河部隸司隸縣嘉獲立因首嘉呂相越南獲鄉

郡內河部尉校隸司隸村

城樂新築北東城故嘉獲於咸容嘉燕年五和太 廢縣胡於陷後渡東

治縣鄉新今即城樂新 城樂新治縣隸獲

州置又充世王廢州初業大州殷置縣於又年六十始之地今治

郡內河道北

府輝衛

疆域

獲嘉縣城在赤道北三十五度一十九分十秒北京中線偏西二度三十九分合四百三十二里南與漢口相值世界經線一百一十三度四十九分

東北至北平一千五百里東南至省城一百八十里地形南北長東西狹東至新鄉界二十五里大店與本境四庄接壤至新鄉城五十里北至輝縣界四十里趙固鎮與本境龍巷並壤西至修武界二十五里二十里舖與本境黃棟堤接壤至修武城五十里南至廣武縣界五十里辛城與本境分屬至廣武城隔河一百一十里 東北至新鄉永康村十七里與本境樓村接壤西北至輝縣何庄二十里與本境靳村接壤西南至武陟界三十五里宣陽驛與本境及修武分屬至武陟城七十里

東北至輝縣凡城三十五里與本境穆庄接壤至輝縣城六十里

形勝

舊志北峙太行南帶黃河四野平坦左夷右隆衛邦之藩屏河北之咽喉 按明史地理志大河舊在縣南天順六年河自武陟徙入原武而縣界之流絕今縣南有黃河故道雖湮塞已久而遺蹟猶存儼然帶河形勝也

河南通志東峙同盟西環清水

劉咸獲嘉縣道中詩吳澤三橋石作欄小河清水響潺潺七賢縱飲皆無迹諸國同盟尙有山黑麓廟荒坡草碧丹陽卷廢石斑苔不妨陌上停征騎懷古沉吟落

問照

山川

同盟山 在城東北五里高五六丈廣五六十畝土阜無石相傳武王伐紂與諸侯同盟於此諸侯之兵白土爲之上有武王廟下有太公校閱臺已廢民國二十四年縣長鄒古愚重修立石又有飲馬池屢經修治今存正南有題名碑明正德時都察院左副都御史錢塘陳珂書其下有夷齊扣馬處舊志祇云相傳如此查韓詩外傳云武王伐紂到於邢丘楯折爲三天兩三日不休武王懼召太公而問之

曰意者紂未可伐乎太公曰不然折爲三者軍當分爲三也天雨三日不休欲灑兵也乃修武勒兵於甯更名邢丘曰懷甯曰修武今獲嘉既係古修武之地亦即甯地其爲武王勒兵之處無疑非僅傳聞已也

同盟夕照爲邑中入景之一見舊志

張謙同盟夕照詩平生最愛桑榆景開眺城南天未暝牛羊處處下山來疎林微露金烏影晴空散彩真堪誇流霞恒曜敷春光中隱隱飛孤鷲樹頭點點歸昏微

鴉停啼撫景自懷古此地曾聞駐周武諸侯八百盡要言同拯蒼生塗炭苦山川不改當時名老倪尙自稱同盟尋幽罔覺徘徊久東方又見銀蟾生昔人難往存

遺迹百域中來徒太息西風歸路馬蹄輕露華涼浸羅衣濕又李智詩晚眺同盟汗漫遊周武會此會諸侯半輪殘日桑榆景一帶寒烟山郭秋鴻閃夕陽眺遠

樹驚隨微彩落前疇平麓漸入蒼葉留餘照幾處紫氣浮又蔣助詩遠意同盟逸興賒西風廻首夕陽斜一林新葉留餘照幾處紫氣浮又蔣助詩遠意同盟

笛聲嗚咽有人家停驂此際策周武目斯長空送落霞吳裕詩義兵一蹟動藩邦集此地經過落照斜曛色蒼茫迷遠樹夕陽明滅背歸鴉九州盟誓諸侯蹟四海

車不窮帝原通古戍斜郭與捲飛虹臺迨青山外林低董照中徘徊當薄暮烟地登高眺不窮荒原通古戍斜郭與捲飛虹臺迨青山外林低董照中徘徊當薄暮烟地登高

遙空藏牛羊欲破崇岩雨氣收周王此地誓侯騰夫談往事同盟可似首陽起舊愁在卿詩雲破崇岩雨氣收周王此地誓侯騰夫談往事同盟可似首陽

陽山陳禹謨登同盟山詩當日同盟處茲成一丘馮上千智義旅八百會諸侯杖鉞會陳禹謨登同盟山詩當日同盟處茲成一丘馮上千智義旅八百會諸侯

傍同盟遺跡自周王觀兵難虎勞西土建極君師寵萬方齡同盟山懷古詩高臺白晝忽龍翔可憐四海分財粟憔悴當年獨首陽吳喬齡同盟山懷古詩高臺

委荒嘗平池翳宿莽千年盟誓地尙覺風雲聚老樹殘空岡斜照散不楚遺迹久銷沉孤懷空仰俯想見東征旅桓桓氣如虎退亂一戎衣功在師尙父莫以首陽亦涼武義士與仁人流芳各千古

民國二十三年縣長鄒古忠重修同盟山武王廟記
末燬于兵何代建始父老傳說之飲馬池校閱台在荒煙蔓草間數千年後婦孺猶知不能以史闕謂其無徵焉古愚權篆於獲值倭寇挾溥儀竊據東省華北震動懼民族意識消沉勢威屈服作埃及波爾之續斯可哀矣視喬木而思故國前人之遺跡足以啟後人之觀感保此坯土片石使來游者惕然國恥未雪中國乃中國人之中國也今秋西安電應捐膺首獎贈洋四百古愚分俸百元邑紳耆復資助之將遺跡一一修復廟貌煥然一新植樹以紀念孫中山先生革命之功與武王先後同揆也工竣立石誌之應陵鄒古愚譔并書

冠山 去城六十五里在坑家莊之北層崖峭壁聳立千仞其極頂屬輝縣其下屬

獲嘉坑家莊處其危厂之下

西鳳翅嶺 在冠山之下左爲東鳳翅嶺屬輝縣有草市等村在其上右爲西鳳翅

嶺自東鳳翅嶺之下即屬獲嘉坑家莊處於二嶺之間延及西鳳翅嶺上二嶺居

中眺望北擁冠山南臨薄壁上合下開氣象軒廠

孟門山 在薄壁北稍西爲山豫入晉孔道去薄壁五里有橋架於溝澗之上俗名五里橋北則層峯疊障蟠延屈曲南則峻陂傾版邈迤汗漫即古之白陘爲太行八陘之一江永春秋地理考實云史記吳起謂魏武侯殷紂之國左孟門右太行杜預註左傳孟門晉隘道而不言其處所司馬貞註吳起傳云劉氏按紂都朝歌則孟門在其西今言左則東邊別有孟門也其註齊世家則曰孟門在朝歌東蓋據起言以立說今其地實無山以應之左傳襄公二十五年齊師伐晉取朝歌爲二隊入孟門登太行張武軍於熒庭齊師旣自朝歌而西入亦不當反在其東然則孟行隘道之名疑即輝縣之白陘述征記太行第三陘爲白陘在今衛輝府之輝縣齊侯伐晉取朝歌入孟門登太行杜預云晉隘道蓋即所謂白陘也案江氏所考之孟門白陘即今之薄壁口今薄壁鎮雖雜輝獲二縣地而自薄壁北上至五里橋則純係獲嘉地故獲嘉亦得有孟門之險

白龍山 在孟門山之西中有一溝寬六七丈不生草木巨石沙礫堆砌嶙峋蜿蜒

而下直抵山麓自遠望之如白龍倒挂氣象巍峩

紫雲山 又在白龍山之西去薄壁五六里至七八里時有雲氣繚繞光彩絢爛草木掩映倍形豔麗東西聯五六村俱名獲嘉庄林木叢蔚布於山根幽秀之致令人神遠

鼈蓋山 在紫雲山之西下對沈家庄舊志有沈家庄今其地丁銀多寄於孔庄峪河喬位等寄庄其附於本縣薄壁鎮者甚微故今糧冊闕其名山形似鼈蓋故以名之上有峭壁峻嶒下則岡巒逶迤牛羊牧於其上遠望如亂石蠕動有秦皇驅石奇觀

孤石山 在沈家庄西北形平圓均有孤石爲上之危崖墜落者土人因以孤石呼之

戲台山 在孤石山之西形似舞台因以得名

大道士冒山

小道士冒山 二山相並大小不同而形狀相類故稱謂稍分以上數山紫雲鼈蓋
二山獲嘉地多而稍參有輝縣地孤石山下則輝縣地多而亦有獲嘉地大抵賦
脫者多聯貫者少然既有獲嘉所屬故亦不得獨佚

起鳳嶺 在圪針庄之北圪針庄雖不見稱於獲嘉而丁地銀兩亦有附於薄壁鎮
者則亦獲境也山勢開展如鳳之飛

黑山 水經云清水出河內修武縣之北黑山注云黑山在縣北白鹿山東清水所
出也今獲嘉之境雖不及於瑤河口而自沈家庄以西歷王庄張庄馬武庄以及
瑤河口之大王廟皆有附屬薄壁鎮之糧銀雖爲數不多不得謂無獲境也故瑤
河口爲修武與輝縣分界處亦爲獲嘉與修邑分界處也

龜山 在孫崗村西北高約二丈餘面積約十餘畝中雜土石首西南而尾東北有
同龜形土人因名之曰龜山

孫崗 在孫崗村中高亦二丈餘面亦十餘畝土石相間形與龜山同相傳張許兩

姓曾駐兵其上名爲張許崗後因村名改稱孫崗

以上二山之脈係由武陟西大廟商王廟馮隄東娘娘廟至境東碑村南之鴻佛寺寺今廢至此起爲二山

丹河 丹水古水也山海經云沁水之東有林焉名曰丹林丹水出焉漢書地理志曰高都縣有莞谷丹水所出上黨記曰長平在郡南山中丹水出長平北山南流秦坑趙衆流血丹川由是俗名爲丹水水經注丹水出上黨高都縣故城東北阜下考高都縣即今之晉城縣舊爲澤州府而齊召南水道提綱云丹水由山西潞安府南山發源南流與古不合方輿紀要云丹水源出高平西北五里仙公山且引舊志丹水上源合上黨諸山之水建瓴而下每暴雨漲高二三丈浮河赤赭水流如丹因名是爲得之丹水南流至沁陽丹谷口分九派之一東南流爲小丹河經博愛縣西門外南流折而東流經武陟縣甯國城南東北流經修武縣南又東北至李翠梧橋之東入獲嘉界東流經劉橋之北二道橫河會蔣河新河來注之

又東頭道橫河來注之又東北流經穆家營之南劉庄之北過三橋三橋古爲吳澤陂一名大陸爲九藪之一或曰九藪之大陸宜在鉅鹿然考淮南子有大陸又有鉅鹿是鉅鹿雖有大陸之名而大陸要非鉅鹿也丹水東北流經太白坡在澆溝之南魚池之北過馬營橋東流至南三位之北三位營之南清水自北來注之又東流至九空橋又東北流經馮村之北至安村橋東流入新鄉境過永康橋再東過侯家橋鯉河來注之又東流經范家嶺之北至合河鎮之西北入於衛丹河在獲境共約長四十里河身日久淺狹雍正五年知縣壽致浦奉文領帑開濬而寬三丈五尺底寬一丈深一丈爲漕運之利乾隆十九年知縣吳喬齡復於九空橋轉漕至折色停止

新河 發源於修武縣西南五十里之靈泉寺即水經注之苟泉水也寺後有洸河泉合而東南流至平政橋有土橋泉棟樹泉螭蟠泉三泉合流來會三泉俱在靈泉之南二里又有寺前河亦入之東流有消河源出博愛武陟諸山水自南來注

之又東流馬道河會白水泉大朴泉皇母泉石棚泉馬鳴泉高河泉揚河諸水來注之又東南有龍拱河會巧婦泉鳴泉濁鹿泉鹿沙泉龍八泉諸泉水來入之東流至獲嘉境逕劉橋之北流入於丹

蔣河 源出修武縣東北蔣村東流有聖井泉來注之在修武縣北板橋村再東有海子泉合馬坊泉龍母泉來會海子泉在修武五里源北馬坊泉在海蟾宮龍母泉在五里源東北東流入獲嘉境逕劉橋之北至穆家營西入於丹

橫河 源發於輝縣西南七十里山陽村竹林寺即古之七賢祠也水經注云七賢祠左右筠篁列植冬夏不變貞妻魏步兵校尉陳留阮籍中散大夫譙國嵇康晉司徒河內山濤司徒琅邪王戎黃門郎河南向秀建威參軍沛國劉伶始平太守阮咸等同居山陽結自得之遊時人號之爲七賢向子期所謂山陽舊居也後人立廟於其處廟南有一泉南流注於長泉郭緣生述征記所云白鹿山東南二十五里有稽公故居以居時有遺竹焉蓋謂此也其水東流有白沙泉水自北來注

之白沙泉出重泉村之西東南流來入之至重泉之南有霸龍橋過橋分爲二支
一支向南流入獲嘉境至吳冲河村村西有仁化泉與之合水至此散入稻田中
有鄧城水自西來會水經注云其水又南逕鄧城東名之爲鄧瀆又謂之白屋水
也昔司馬懿征公孫淵還達白屋即於此也按吳冲河村在鄧城東二里鄧城城
內西北隅亦有泉水經注云長泉水源出白鹿山東南伏流逕十三里重源濬發
於鄧城西北世亦謂之重泉水也即此水今亦散入稻田中梅竹泉之水自霸龍
橋下分支之後又東流復分爲二支一支南流稍東入獲嘉境逕李千戶營村中
毋豬營東又南亦散入稻中以上散入稻田三水俱至輝縣蔣庄之北合流復分
繞蔣庄四面至庄東復合東南流逕豐城村南爲古大陸地亦即吳澤魏土地記
曰修武城西北二十里有吳澤水陂南北二十里許東西三十里水經注云陂水
之北際澤側有隕城春秋隱公十一年王以司寇蘇忿生之田橫茅隕十二邑與
鄭者也京相璠曰河內修武縣北有故隕城實中今世俗謂之皮垣方四百步實

中高八丈今以道里計之隕城必即今之豐城不知何時割入輝縣皮垣卽豐城南之鳳頭岡俗名圪塔陂在輝獲之交水自豐城東南流逕鳳頭岡西小穆家營南爲二道橫河入於丹梅竹泉水自霸龍橋第二分支之後一支向東南流逕雙喜橋下入獲嘉境至裴村營圍繞裴營寨東南亦散入稻田中逕輝縣肖呂村之東至冀庄之西合爲一入獲嘉境逕茶橋復東南流至穆家營之西爲頭道橫河入於丹

按舊志有清水河又有小清河又有橫河清水河云源出輝縣西南七十里山陽鎮東南流逕縣界分爲二派一東流入小丹河至新鄉合河鎮入衛河名清水河一西入三橋陂接太白陂復逆流東入清水名泥河小清河源出太行山麓流入丹河至合河鎮入衛河其所言小清河似指出峪河口之清河其所言清水河其一東流者似仍指出峪河口之清河其一西入三橋陂者又似指橫河而所云云泥河者又似指紅石偃下決口經峪河鎮南流之水而頭道橫河

又云源發輝縣竹林寺不識竹林寺即係山陽鎮有出山陽鎮之水即不宜再有出竹林寺之水此猶顯然訛誤者二道橫河又云源出輝縣五衝河五衝河即五冲河本志屯營內原有五冲河而忽歸之輝縣且是水又非起於五冲河是所言俱未詳確今特詳叙如右但其中猶有得之他人採訪非盡親歷者訛誤尤恐不免尙望關心河道及身居其地之人有以是正焉

清河 清河出輝縣西北山中無正源至瑤河口出山水經云清水出河內修武之黑山注云黑山在縣北白鹿山東白鹿山即今之百家巖以石壁上現白鹿形故名黑山一名黑麓山清水所出也上承諸陂散泉積以成川南流西南屈瀑布乘巖懸河注壑二十餘丈雷赴之聲震動山谷左右石壁層深獸跡不交陸中散水霧合視不見底南峯北嶺多結禪栖之士東巖西谷又是剎靈之圖竹柏之懷與神心妙遠仁智之性共山水效深更爲勝處也其水歷澗飛流清冷洞觀謂之清水矣溪曰瑤溪澗曰瑤澗其所言瀑布在今輝縣西北山中寶泉村前年省政府

欲借此水磨電供全省電燈之用屢經察驗以內訌而罷清水流至瑤河口大王廟之右有水自西北來注之水經注云清水又南與小瑤水合水出西北窮溪東南流注清水即此水也據此則今峪河口人猶呼爲瑤河口峪河鎮人必呼爲瑤河鎮必係土語相傳爲然其所以瑤訛爲峪者考齊召南水道提綱其序云係據御府輿圖所作其序清水云小丹水與五峪水爲百泉之上源五峪口水源出山西陵川縣東南馬武山南流曰平田水有小水二自黃園山來會又東流入河南輝縣西界之五峪口又東南百餘里會小丹河云云而不言鯉河沙河及出黃水口之水是必當時混數水爲一水而祇以出五峪口一水當之而後人遂據以改口名改鎮名焉清水出口南流五里至勾灣折而東五六里至臥狼岡之北有黑石紅石二堰因水至此始歸平地而地勢北高南下每至此決口南趨分流數支至黎虎庄仍合爲一經峪河鎮之西南兩門外至三橋入丹河土名爲泥河淹沒輝縣以西一帶田禾清光緒五年於此建堰遏水東流使歸故道而此堰不久即

被冲决至民國十八年大水此堰又被水流石子杜塞仍向東流歸入舊河逕包公廟之南又東南流逕張建屯之西喬位之南入獲嘉境周靳村孫靳村王靳村之西過曹門口橋南流至紅廟靳村之東折而東逕李善道營之北過龍王廟橋即利濟橋龍王廟一名忽雷廟廟僅一楹磚壁人於廟外以磚石磨其壁於廟內聽之酷似雷聲噲眩震耳水過此甚屈仍向東逕師庄之南三位營之南三位營於民國三年建有廣潤崗至溝西庄之西折而南入丹河一統志云清水自輝縣西南東流經獲嘉縣北又東流經新鄉縣西北至合河店入衛河舊河自溝西庄之西仍東流逕溝西庄之南東北流逕南樊村之南入新鄉界候橋上入丹河久已淤塞河身地歸河廳收租民國五年變賣官產爲北社局收買十二年又賣爲民田於官產公產俱已無涉矣舊唐書諸葛爽傳中初元年十一月爽攻新鄉魏博韓簡自鄆來逆戰軍於獲嘉西北爽軍乘之簡兵八萬大敗奔騰亂死清水爲之不流清水在獲嘉者不過六七里簡之敗必此數村之地

鯉河 源出薄壁鎮東王村之丁公泉東流逕李家海有焦泉水來會焦泉源出於

獲嘉屬焦泉村之西廣數畝內多石子北有行山橋南流又有一泉出於村之西

南源爲長方形東西七八步南北十餘步雖至旱不減二泉地皆純係獲境南流

杭稻成畦資以灌溉下流入於鯉河水經注云焦泉發於天門之左天井固右天

門山石自空狀若門焉廣三丈高兩匹深丈餘更無所入世謂之天門也此即今

之上白雲東西五百步中有石穴西向裁得容人東南入徑至天井今白雲寺山

有石穴東向謂之天風洞寒氣逼人無人敢入或即此也直上三匹有餘扳攝而

升至上升東西二百步南北七百步四面險絕無由升陟矣上有比丘釋僧訓精

舍寺有十餘僧給養難周多出下平有志者居之下平即今之白雲寺寺左右雜

樹疎頗有一石泉方丈餘清水湛然常無增減山居者資以給飲泉在寺西往日

寺僧多常導此水流入庖厨鍋中北有石室二口何燁云口亦闕文舊是隱者念一之所

今無人矣石室在寺之後遺趾尙存鯉河在東流至倪家海張波泉自南來注之

張波泉出張泉河村之西南水經注張波泉之上尙有魚鮑泉今不可考矣折向東南流有五峪河自北來注之一統志鯉河源出輝縣太行山五峪口東南流經獲嘉縣西北又東至新鄉界入衛即此水也今考五峪河源出五峪山山在焦泉之東北逕白庄之西白庄舊屬獲嘉見舊志云去城六十五里李庄之東南流逕楊樹庄早生褚邱至王家海入鯉河故舊志亦云鯉河源出五峪口而水道提綱云清水出五峪口係誤以出瑤河之水爲出五峪口且又改瑤河口爲峪河口瑤河鎮爲峪河鎮卒之其字能改其土音不能改故至今數百年人猶呼峪河爲瑤河若峪有瑤音者然是誠一恠事也鯉河又東流逕小鄧庄大孟岩之南至孟岩橋分爲二派一向東北東折一向東南東折繞獲嘉屬之小孟岩至村東復合爲一東南流至胡村店橋胡村店舊亦屬獲嘉見舊志又東南逕文庄北東北流村北沙河自北來會

沙河 源出石門口有三潭即水經注所謂次東得三淵泉梗河參連女宿相屬者

也是水出山南流逕輝縣耿村之東田庄之西入獲嘉龍巷之西龍巷即舊志之韓利營因韓利營之地丁銀今皆詭記在輝縣峪河喬位等村只留龍姓十餘家仍屬獲嘉故今有龍巷無韓利營南流與鯉河會一統志云源出輝縣石門口南流入獲嘉界入鯉河明萬歷三十一年築隄防其漫溢舊沙河自耿村南流逕板橋之東趙固鎮之西折而東經馬庄之東大梁家之西至蔡旗營之西北入鯉河故道僅存沙河既會鯉河復折而東北至馮官營之西繞村南復南流至張莫橋折而東經何張莫大攢城和庄之北馬營之南又東西樊村之北舊河至此復分爲二派一東北繞蔡旗營之北折而南一東南經蔡旗營之南復會爲一今東北之水已絕止逕蔡旗營南東流有出黃水口之水與分白沙泉之水來注之出黃水口之水係逕大史村苗固村花木村東南流逕穆庄之西南流入鯉河白沙泉在輝縣卓水西北萬泉之西流逕任村老閣等村輝縣知縣聶良杞開溝渠以灌田者其餘波逕獲境大梁家之東南流逕丁庄之東東南流至蔡旗營之東南入

江門 滄縣志
鯉河鯉河復東南流會萬泉之水萬泉之源亦出卓水村西北與白沙泉僅一隄之隔東爲萬泉西爲白沙泉萬泉流逕九聖營之南九聖營亦有獲嘉地今皆爲寄庄九聖營之北有清輝泉南流與萬泉合逕雷店北雲門南雲門秀才庄之西南入鯉河鯉河既會萬泉諸水東流逕堽姜橋復東南流入丹水爲新鄉界入衛河

衛河 衛河源出輝縣西北蘇門山下之百泉歷仁義禮智信五閘至南雲門橋以下直南爲百步庭舊志有南雲門今南雲門屬輝縣前三十年南雲門西南角有張圪塔屬獲嘉今亦歸入寄庄當獲嘉石家庄之北東折逕庄東村之對岸爲新鄉之塊村營又西折復南流入新鄉界至天津東流入海清光緒三十二年村人曾會同輝縣秀才等庄建廉讓閘

孟姜女河 無源係雨水冲刷而成或云係黃河滲漏之水西自武陟馮隄流入經本縣張隄之北東北流歷段庄之南梁隄張庄之北再東北前後小召之間張庄

寨之南東流

段岩河 係康熙元年沁河決口漫溢新獲水就下流衝刷成形固逼近段岩村遂有段岩河之名一曰賈誼河寬有三十餘丈深一二尺不等西接武陟之官灘陂東流經田樓高旗營段岩大辛庄張庄會孟姜女河復東流至韓小營入新鄉界
焦泉 已詳鯉河條

小百泉 在縣北二十五里登覺寺之北泉從平地湧出經寺之東南流至寺前注爲大壑因泉極微細遇旱則涸不能遠流灌田而周圍樹木叢翳寺之前後又極清幽故有小百泉之稱

仁化泉 在縣西北三十二里吳冲河之東北隅東流會長泉水爲二道橫河入於丹

西水泉 在縣北二十五里馬張莫西北昔時曾引以灌田周圍可以種稻今泉已壅塞河道不通矣

地質

丹河流域一 縣之西北起劉橋北岸爲穆家營東西淹溝南岸爲招民庄劉庄三魚池王治南馬營樊庄三位三方台等村地爲丹河流域丹河發源山西高平縣每遇暴雨合上黨諸山之水建瓴而下攜帶赤泥數村舊爲大陸吳澤本爲積水之區歲久淤爲平地所淤之土皆係山中赤泥所積故今皆成爲黏土俗名曰膠土水後稍乾即結爲大塊牢不可破耕種最爲費力惟應時尙可然上游諸村夏秋耕犁雖亦成塊至冬則分爲碎末下游諸村則一結不解上游諸村通常穀麥以外尙種豌豆扁豆下游則非所宜也

丹河流域二 城西江營獅子營諸村其去丹河亦祇數里而其水鹹苦其土礮鹵日潮朴硝幾於不毛推原其故大抵係吳澤之側爲水所浸水所含之斥鹵多潮積於無水之地即禹貢所謂海濱廣斥者也蓋正流之斥鹵皆隨流而去無復存者獨其旁之斥鹵無所冲刷則積而不散吳澤之區旣已淤爲平地其北岸之斥

鹵以近山故俱爲山水流盪而去獨此南岸爲山水所不及故積留千餘年尙爲
确礫之所生

蔣河新河流域 蔣河新河入獲嘉境未遠即入丹河其所經流亦係吳澤舊地且
去丹河甚近故其土質亦與丹河流域同

橫河流域 縣之西北裴村營母豬營等村去橫河之源不遠水田漠漠稷稻遍野
論者以之爲小江南蓋與禹貢所記荊揚二州之土相類而爲塗泥者也

清河流域 清水雖亦發源於山中而時伏時現及至出山地勢平坦即有少數之
河亦多沉滯不流至入獲境又已數十里且所經之地較兩岸數百步以外俱高
數尺河流雖小河道却深且兩岸又多有小堤以束之不使漫溢故沿清河一帶
俱係壤土無甚變遷

丹清下流 自清水入丹以後自九空橋以下至安樂橋丹水之泥已竭清水之流
亦穩所有馮村安村及北岸之溝西庄南樊村亦俱爲壤土之地矣

沙河鯉河流域 縣之極北爲沙鯉二河流域鯉河源出平地其水清瑩沙河源出石門山中則携有沙石往年由蔡起營西北入鯉河今由龍巷之南入鯉河雖有不同而今昔所經之地則俱爲沙所沈留即今匯鯉河之後亦不免有沙浸入故今龍巷馮官營多沙土以新舊河皆經其村也羅召小營有沙土有壤土以昔近河今不近河也餘如五張莫大攢城和庄北馬營東西樊村蔡起營俱爲壤質沙土以現俱爲鯉河所經也而自穆庄至蔡起營黃水口之水所經之地則雖爲壤質而實具黏性

衛河流域 衛河所經之地獨有石庄一村地與新鄉輝縣接壤其村北東南三面距河自與輝縣秀才庄孟庄凡城同建廉讓閘後其村因多稻田與裴村營地質相類其村東有新鄉塊村所修之衛河七閘則無利可獲

案縣北諸村地多礲脊且北近太行每當大雨時行山水即洶湧而下故旱則田禾立見枯槁澇則田禾輒被淹沒其樹藝雖備五穀而惟麥爲大宗又其村落蕭

疏且每村多三五十戶工藝既不發達亦不習於商賈惟於冬春暇日入山爲負販之事稍資挹注故在獲嘉惟縣北最爲貧苦而以村落疏小見聞卑陋無侈然自肆之心故於一切差徭亦最爲恭順亦因其土性脆弱所致也近年鄉人多築堤以禦水鑿井以灌田於旱澇稍有防備無奈地質不良亦不能大有起色

太行山麓 薄壁附近坑家庄獲嘉庄諸村僻在山坳蘇井沈庄諸村地處山麓其土皆雜有石子且多含礫質幾於不生五穀惟其東焦泉村雖亦在太行山之下與彼土質相同而焦泉之水尙可以資灌溉故其村雖礫礫不堪而村南水田旱田尙有可觀惟焦泉之名見於水經注則必自古即有村落而詢其土著之戶無居此十世者亦足見此土之不能養人也焦泉之村五穀之外有芋是爲獲境特產

商陵地脈 商陵之脈橫貫獲嘉全境西起大清營之西經九商陵村十里鋪蘇章營徐庄辛村南陽屯繞城北東過大小洛紂結爲同盟山再起逕前後李村前後

寺庄人新鄉店後營起爲盤龍岡自徐庄東北出一支經大小位庄石佛折而東
逕東西張儀巨柏沈庄東西倉之南再東入新鄉境沿此陵者俱爲壤質黏土水
味雖不甚甘冽而尙不雜他質土力能自豎立雖數尺之高能壁立數年不至坍塌
惟城之西南及小洛紂之南至孝合陳孝之間土性黏膠且含礫質水亦鹹苦
難以灌溉每年收穫不足以雇人工故土地多致荒蕪村落亦甚稀少近以生齒
日繁地價澎漲亦開爲熟地矣然以土質不含潤氣十日之旱苗即枯萎非雨澤
勻調未易有收故每數年僅能一穫雖爲熟地亦與荒地等

中和鎮土脈 獲嘉之地既無河流又無山脈而地質深厚水泉甘美土地肥沃者
厥維中和鎮一帶中和鎮周圍村落最爲稠密其土雖爲黏質壤土而獨含膏潤
又以人民衆多之故壅培灌溉無不應時五穀之外又多兼種蔬菜遂有一歲三
穫者然以地狹人稠之故生活亦多感困苦

往年諸村多種藍靛爲出產一大宗
自洋靛興而此業遂廢人民愈難爲

段岩孟姜女二河流域 中和鎮以南至黃河故堤其間有兩乾河爲洩雨水故道
一爲段岩河又名賈誼河西接武陟之官灘經田樓高旗營段岩大辛庄至北張
庄一爲孟姜女河自武陟馮堤入境至張堤之北分爲二支一由小段庄東北逕
東西碑大辛庄入北張庄之段岩河一由張堤逕南張庄固縣孟營古牆數村之
北過劉庄至北張庄與段岩河會其間渠道紛繁分合不一其中土質亦甚錯雜
徐營望高樓高旗營俱爲粘質壤土田樓小段張庄東西浮庄則爲礫土段岩爲
壤土而東西碑則爲膠土大辛庄南辛庄俱爲壤質沙河段岩以東西劉村后小
召又爲沙質壤土小辛庄周圍爲粘土前小召東西南則俱爲沙土是此一帶土
質之歧異也

孟姜女河下游 自北張庄以東至韓小營中有晁李馬等庄及東西古風時營湯
窪諸村爲本縣孟姜女河下游其地多含有礫質收穫未能豐美村落亦因之稀
少

老隄土脈 大隄之北三里許西自段庄紅土堆起東至古墻之北約計長四里有不毛之地南北三十餘步土人呼爲老堤則又土質之特別者也

孫岡土脈 孫岡之脈由武陟馮堤而來經東西碑之南至此起爲二岡其岡之土雜以拉蠶石子其岡之下則西爲黏土東爲沙質壤土

黃河故隄土脈 黃河故隄西自張堤入境東至李道隄出境計長二十餘里惟亢村之北有沙土周圍數里長闊相等郭堤以北亦參沙質餘俱壤土

沁河故隄土脈 沁河故隄西至南王庄入境東至吳廠出境亦約二十餘里爲沁水支流已見古蹟在紅荊嘴之西爲壤質沙土其東則爲沙質壤土

丁村土脈 城之東南十餘里丁村王庄其土質鹹鹵純係礫地與城西之獅子營相類產朴硝諺云喝了丁村水兩眼活見鬼可以知其大凡矣

泰山廟土脈 丁村之西南爲泰山廟土阜突起上建廟宇祀泰山神因名其下土質肥饒村落密布與中和鎮相類土產黃瓜最爲有名其餘蔬菜亦較他處爲優

案城南諸村地質亦非肥美惟以一帶平原不近山不臨河又有溝渠以洩雨水故祇有旱災無水災其所種植五穀之外有蔬菜有棉花有花參有瓜子其收穫之價值俱較五穀爲優其村落或百家或數百家亦較縣北爲大又有中和亢村徐營永興屯等鎮市人民除務農之外兼習商賈地臨平漢鐵道所產之物又能運銷遠方故較城北爲富庶惟其去城較遠之區人情強悍敢於抵抗官府故縣內有所難派多延宕不繳差役亦無如之何前清於新城設守備一員以資鎮壓民國裁撤遂致盜匪充斥良民不得安枕此又不全因土質得來也

附氣候

本縣全係大陸氣候據華氏寒暑表夏日午時曾熱至一百零四度夜熱至一百度冬日夜冷至二十度午時冷至二十六度春冬多風從東北來者居多數大時塵埃蔽天數丈之外不辨人物雖至暖之時登時即變寒淒夏秋亦間有之九月以後有風自西北來其夜即降霜雨量最多則在夏季秋冬次之春季最少

獲嘉縣志卷二

建置^上

公劉斯館于幽太王胥宇于岐其建設之完美詩人嘗一再頌之獲視幽岐隆乎後矣而寧官吏庇人民安神鬼亦經前人幾許經營然後各得其所闕而弗書微特已廢者莫可得而稽即幸存者亦恐其漠不關心疏於綢繆而莫可得而保也志建置

城池

縣城創建未詳

明洪武三年知縣熊邦基重築

天順三年知縣邢表重修周三里一十三步高二丈四尺廣半之池深一丈闊如之成化十八年知縣吳裕重修高垣墉增女牆建門樓新角舖表四門之名東曰東作西曰西成南曰南訛西北曰朔易

正德六年知縣任守德重修

嘉靖二十一年知縣張道繼修

萬歷六年知縣張一心大興修築易東門曰承恩南曰廣暉後更名廣陽西曰通武

西北曰揆文民國二十四年春縣長鄒古愚補修四門改東門爲中山門南門爲

仁愛門西門爲信義門西北門爲和平門

邑人王錫頌記萬歷戊寅歲邑侯純菴張公蒞明年謀繕城命省祭官張士傑等分督其事工既完獨門未繕會沁水決罷工辛巳秋門工始既明年十月父老方崑等伐石徵余言記成事夫獲乘廢缺城所經始暨終歷繕修不可考以余日視者敵甚矣其狹則不可騎夷可褰裳而陟坏堞壘飾雨輒損每當使者閱視爲新之秋夏之際遞新遞損且多責之薄城居者不勝其擾近年有議修城者謂寧山衛屯署當城北而役宜屯衆贊之薄城居者不勝其擾近年有議修城者謂寧純菴公將經始城工先集軍民語曰夫今邑之室而處市而營士而學曲直而訟者軍孰非半於民者而城獨可遠也今繕城其屯衆有不共力趨役者有罰籍軍民夫役完矣視舊週增築五尺高半之夫若干軍民半焉公乃又出貲金市磚乃甫兩月役完矣視舊週增築五尺高半之夫若干軍民半焉公乃又出貲金市磚乃甫堞于是狹者闊夷者險屹如煥如而獲有完城矣是役也官不費農不擾民得軍與協而不稱困夫茲所恬然與共役週城者非向謹然不與共北面者哉是寧獨公以威命制之也良由公視事當屯之人其所與憫恤拯捍與編戶無異視以故屯衆悅而趨役即私室中靡怨言也語曰衆志成城斯役之謂哉徹公何以得此

于屯衆也公諱一心字宗道直隸獲鹿人萬歷丁丑進士純庵其別號云

萬歷四十三年署縣事同知魯廷彥重修惟土垣短薄易致傾頽雖歲煩繕修而風雨剝蝕未久即壞

清康熙二十三年知縣馮大奇始改創磚城高厚悉倍舊址城形方長周圍六百五十二丈高二丈五尺廣半之築口高五尺城上建敵樓三座四隅各建角樓崇嚴壯麗屹然爲河朔雄區矣

邑人賀振能記獲爲邑彈丸而據四達之衝齊秦燕趙輻軒節節出入往來咸于是取道焉北望行山南瞰河流蒼茫榛蕪之鄉兵燹偶乘氛祲落至則依符么磬嘯聚竊發之徒往往而有百姓所藉農桑老壽休息保聚者僅僅孤城耳而歷三數百年間環堵一坏始安特陋號有城實無城也又其甚者水潦漂溢歲煩修葺而董役者率奇貨目之故蹉跎彌旬月計爲中飽而糜里社金錢無算草莽不踰時輒復見敗壞邑士民日夜驚目環眺竊嘆然無能爲一籌會吾垣公馮侯實奉天子簡命來蒞茲土不數年修復諸廢墜政未易更僕數一旦覽雄傑之陵遲慨然曰其有以天子版宇生民保障徒區區索土漂搖風雨中豈異人任哉于是進諸父老子弟而謀之曰天下事難勞弗逸茲撮土之封吾將易甄甌而新之若何堂上下嚙口屏息懼無敢應者則又諭之曰勿懷安勿畏難胼胝在前托

席在後邑不可無城城而土歲費數百緡視號爲易然易成易敗是我且歲委百姓數百緡土也其幸風雨時調水潦無害然四隅楚隘巖夷址薄民室家老幼緩

急無所憑險是我終委百姓室家老幼千百人之土也權利害度輕重最近思遠惟
 爾百姓圖之僉曰我民實愚替損作益惟我侯之賜則又計之曰繕城之費今歲
 有經矣輕以倒私篋而統成焉桑十之五勸糶自民十之方惟置惟募役無騷用五
 千有奇條井卒工真威允廉勤功既舉鳴鶴鳩築子來之命議成上諸臺司皆報慰
 僚佐紳士胥卒矣僉曰衆任無鉅平政無厲惟我侯之命議成上諸臺司皆報慰
 之勞之獎動勵惰劬作奮與鄰鄰巖巖式固式密舞堦躡躡喜茲成功手加額于初冬迄
 曰春暮而不世之助居然告竣諸父老子弟歌舞躡躡喜茲成功手加額于初冬迄
 震蕩矣狐鼠消而後長老得鼓腹嬉矣婦子得聚處矣鞠我侯之命賜不微鋒鏑萬世
 可以不動聲色而無煩督誥而荷於大農第願下土蓋藏不損毫末持五千釐金六世
 閱月而告成事近古以來急召伯營申有任如斯之敏者也周之世王命南
 仲城彼朔方而詩人稱赫赫焉召伯營申有任如斯之敏者也周之世王命南
 楊晨高駟冉氏繼璞之屬城夏城蜀皆得承榮世主以光史冊今廟堂之上旌侯
 偉伐而書褒秩以別國之楨事當在翼日我曹幸親服暇思信不稱以無示後遂
 紀之文而繫以銘侯諱大奇字坦人公家世灑江之徐州人其銘曰古稱成城哲夫
 乃提封瑣瑣垣屹老速其婦子生聚壽考耕不自下經之聲色弗大衍水既時
 既閑既壘寧我父老速其婦子生聚壽考耕不自下經之聲色弗大衍水既時
 革能九日聞兵同人集城樓分韻詩重陽無酒不飲成上風高雁路寒擬向秦賀
 關委白眼看未歸楚登臨深扣缺浮雲北望是長安

雍正三年知縣壽致浦捐俸復修

十一年知縣蔡嵩年重修

乾隆九年知縣梁觀我領帑督修

十五年知縣吳喬齡復捐俸繕修之

道光十三年知縣夏琳重修

二十五年知縣羅傳琳邑紳岳一元捐資重修

羅傳琳西城記獲邑有城舊矣比歲屺於雨者四十餘丈估費頗浩余與張閱兩廣文暨鄭少尉各捐俸爲募計會有勸輸會垣及中牟大工之役因並及焉邑之人悅是舉也踴躍赴工閱八月而繕完如其舊厥費制錢二千二百五十串紳商共捐錢二千串不足者官給之既訖工爰紀諸石以垂不朽教諭張可大訓導閻煥典史鄭箋把總陳安邦道光二十五年仲春

咸豐十一年知縣趙寶仁增擴西北城門

光緒二十三年知縣邵祖奭重修

民國十四年縣長常壽祺重修

十七年縣長王俊傑補城垣女牆缺口藉資守禦易南門曰中山門

街市

新舊街名表

舊街名地

點新街名

備

考

政教街

在縣治前

縣府前街

按縣治前東西改中山後街南北改中山街西中山後街門內改中山前街

折桂街

在廣陽門內即南門內

仁愛街

按自關帝廟至木牌坊改民族街自木牌坊至民族街南門內改三民街

里仁街

在承恩門內即東門內以西

中山街

吳興街

在東門內迤南至福善寺前止

廉讓街

按舊志吳興街在布政司前舊為汚池成化間知縣吳裕集邑人塞治募軍民處之積粟賑饑全活甚衆

畫錦街

在通武門內即大西門內

信義街

興賢街

在按文門內即西北門內迤南

和平街

按舊志在儒學署前縣治右舊為水塘知縣吳裕募軍民居之東西環列以壯學宮故名

衙後街

在按文門內迤東

縣府後街

學後街

在關帝廟前迤西

好禮街

按舊志舊為開曠地知縣吳裕開始募民僦居因在學署後故名

四關新舊街名表

舊街名	所達地點	新街名	備
東關街	正東達新鄉縣 路北達輝縣	中山外街	按東關東南角爲小文明庄東北爲仁義街
西關街	西南達武陟縣	信義外街	
小西關街	正西達修武縣	和平外街	按西城後爲道德街正西大街爲博愛街折而北暨斬人墳均爲外博愛街呂祖廟以東小街爲民治街
南關街	正南達原武縣	仁愛外街	

考

寨垣

一區

西永安寨 同治元年創修民國十四年重修

小呈寨 創修失考

二區

陳孝營寨 同治六年村人楊端創修

丁村寨 同治六年趙太和等創修

泰山廟寨 同治元年村人馬連元創修名太和寨周圍四百八十丈高一丈六尺

濠隍歸寨局管理

南務寨 同治二年耆民曹大旺文生曹春和創修因守寨賞四品軍功

張庄寨 民國元年村紳張景和張世舉創修

大辛庄寨 同治四年創修

羅旗營寨 同治二年程遇張鳳岐創修名保安寨周圍三百丈惟濠隍歸業主管理

辛章寨 同治六年蕭產敬李長仁創修

三區

亢村寨 同治元年村紳郡庠生李震方創修共五門

劉固隄寨 同治元年村紳王紹謙等創修名固元寨高一丈五尺寬二丈濠深二

丈

夾河寨 同治元年村紳創修

南王官營寨 咸豐十一年村紳岳在朝蒞芳辰創修同治元年落成名永定寨周

圍六百四十丈

岳家寨 同治七年岳振梁等創修共三門

郭隄寨 同治二年創修南北各一門

大毛庄寨 同治元年創修

新城寨 同治年間修舊有城相傳爲張駿馬築久廢同治間因舊城址修築寨

垣

四區

孫崗寨 同治元年因東匪滋擾村人趙廣和創修

中和寨 咸豐十一年村人李友桂李友梅創修

徐二營寨 同治元年創修名固城寨

東張巨寨 咸豐十一年村紳劉方平獨力創修磚寨村人略出微資

永興鎮寨 同治年間村紳趙修德創修因收欸不敷獨力担認甫落成匪突至鎮民賴以保全

高旗營寨 同治四年村人方召貴創修

馮庄寨 同治七年村人馮修竹創修光緒末年舊址平夷村人馮保平與馮安昌馮清澗等續修沿濠植柳作隨時補修基金民國八年蒙 徐總統褒以鄉里矜式匾額

謝起營寨

五區

鄧庄寨 同治五年村紳鄧德明鄧國禎創修

張翟庄寨 同治五年村人王保邦翟文華鄭體元創修

史庄寨 同治八年村人李祺元李振元創修

六區

師庄寨 同治元年村人師文心師璧漢倡築名清河寨周圍約四里寨濠產葦

糧歸寨局招租

裴村營寨 咸豐九年築同治六年竣工寨濠寬二丈四尺西北竹林寺梅珠泉水

由西北入濠繞寨由東南分流爲稻田復東南行至肖呂村查家橋入

橫河

樓村寨 同治七年村紳許芝田等創修民國元年村紳許鴻慈許錫榮許錫泉

許錫燿等重修

鄉村

獲嘉鄉村位置距離里數表

區別	鄉村名稱	改革名稱	位置地點	距城里數	距隴外縣里數	備	考
----	------	------	------	------	--------	---	---

一區	城內北牌	第一分鎮	城內	無		
	城內南牌	第二分鎮	城內	無		
	大西關	第二分鎮				此於城內南牌合併
	東關	第三分鎮				
	南關	第四分鎮				
	小西關	第五分鎮				
	沈庄營	巨柏鄉	城東北	三里		民國二十年改鄉鎮時與巨柏合併通稱巨柏鄉
	巨柏村	巨柏鄉		四里		古時爲蘧伯玉村現有蘧伯玉墓在村北
	小王庄	里仁鄉		五里		此村亦爲東彰儀俗名小王庄距村南一里許故通稱里仁鄉
	東彰義	里仁鄉		六里		
	桑庄	尙文鄉		六里		
	照鏡營	照鏡鄉		八里		

西倉營 義倉鄉

十里

古爲西太王營

東倉營 仁倉鄉

十二里

距新鄉城三十里

古爲東太王營

九梁廟 進取鄉

十二里

明初爲陳家庄永樂五年改爲九梁廟又俗名爲後李村

後寺庄 尙武鄉

十五里

距新鄉城三十里

陳固營 陳固鄉

十五里

前李村營 前進鄉

城東

十二里

內有郭姓者稱郭巷村

前寺庄 尙武分鄉

十五里

岳位庄 集義鄉

城北

二里

大位庄 太平鎮

五里

蔣位庄 太平分鎮

五里

西彰義 秉禮鄉

五里

樊村 敦厚鄉

八里

陳位庄	集義鄉	城西北	二里
侯位庄	集賢鄉		二里
馮位庄	集賢鄉		三里
辛村	集賢鄉		六里
南陽屯	南陽鄉	城西	三里
徐庄	清化鄉		八里
岳庄	綠蔭鎮	城西南	三里
賀庄	合群鄉		三里半
朱庄	合羣鄉		四里
前小屯	雙合鄉		五里
後小屯	雙合鄉		七里
西永安	永安鄉		七里

師庄自衛鄉 十二里

小呈村小呈鄉 十五里

馬庄永寧鄉城南五里

孟庄逸居鄉 八里

大呈村大呈鄉 八里

郭庄進步鄉 十里

宋庄超群鄉城東南三里

東永安永寧鄉 六里

小洛州落紂鄉城東三里

大洛州翠英鄉 四里

彥當營平等鄉 六里

二區 大張朴民享鄉城東南六里

小呂庄民享鄉

六里

陳孝營長樂鄉

八里

孝合孝合鄉

十里

曹庄長樂鄉

十二里

董庄敬業鄉

十五里

程遇程遇鄉

十五里

鄭家庄守望鄉

十五里

胡起營互助鄉

十五里

丁村樂羣鎮

十五里

泰山廟泰安鎮

十八里

王庄迎旭鄉

十八里

塔兒凹明德鄉

十八里

程 操 融和鄉

十八里

東距新鄉境小
黨七里

韓小營 勤業鄉

二十里

東距新鄉境一
里餘

該村舊名陳杏營

馮小營 勤業鄉

二十里

辛 張 永固鄉

二一里

西寺營 人和鄉

二三里

該村舊名劉氏旗營

東寺營 明德鄉

二五里

山頭王 好義鄉

二八里

東南距新鄉敦
留店一里

李道堤 好仁鄉

二八里

全 上

小張朴 康泰鄉

城南

八里

富民官庄 富民鄉

十五里

羅旗營 自治鄉

十六里

西古風 清風鄉

十七里

東古風古風鄉

十九里

晁李馬庄三民鄉

十九里

南務自修鄉

二三里

張庄互愛鄉

二三里

北務村獨立鄉

二三里

該村舊名范巷

沙窩營好禮鄉

二五里

西劉村普善鄉

二五里

東劉村普善鄉

二五里

大辛庄習善鄉

二五里

該村舊名前河道營

後小召自愛鄉

三二里

前小召自愛鄉

三五里

辛豐新風鄉

城西南

十五里

西辛庄 廣濟鄉 一十八里

小辛庄 廣濟鄉 一十八里

三區 北小庄 向榮鄉 城南 三十里

劉固堤 德化鄉 三二里

國士村 明倫鄉 三二里

岳寨 桃園鎮 三四里

亢村 大同鎮 三五里

忠義 忠義鄉 三五里

豐樂屯 豐樂鎮 三五里

野廠 進化鄉 三五里

王朋庄 好朋鄉 三八里

小毛庄 莘野鄉 三八里

尹	寨樂國鄉	四十里	
小王庄	莘野鄉	四十里	
西安屯	徐安鄉	四五里	
張槐樹		四五里	
崔槐樹		四五里	
紅荊嘴	正陽鄉	四五里	
夾河	夾河鄉	四五里	
府庄	樂安鄉	五十里	
南賀庄	慶熙鄉	五十里	
大毛庄	化善鄉	五十里	
郭堤	自固鄉	三二里	城東南
牛屯	明倫鄉	三五里	距新鄉曹村四里

南王官營 自立鎮

三七里

距新鄉康庄八里

王貴樓庄 謙益鄉

四十里

南距原武黑龍潭五里東距新鄉劉八庄半里

吳 廠 志誠鄉

五十里

南距原武小婁庄一里東距原武趙清庄一里

今與馬鐵庄合併一鄉

職 庄 覺民鄉

城西南

五十里

王 井 維新鄉

五十里

新 城 共樂鄉

五十里

四區

大官庄 新德鄉

城西南

十八里

官庄營 常治鄉

十九里

小官庄 裕豐鄉

二十里

中和鎮 中和鎮

二二里

東張巨 翠治鎮

二二里

東小吳 民生鄉

二二里

後五福五福鄉

一三三

前五福五權鄉

一六六

明爲五福鎮隸爲大寧屬修武縣

大林村大林鄉

一六六

北楊庄大林鄉

一七七

望高樓光華鄉

三十三

西南至武陟縣治五十二里

段岩博愛鄉

三十三

東碑村同新鄉

三十一

西碑村新民鄉

三十一

高旗營四權鄉

三十一

田樓四權鄉

三十二

孫崗德華鄉

三十三

古墻古墻鄉

三十四

孟營普濟鄉

三五里

固縣安民鄉

三五里

徐二營新華鎮

三五里

梁堤安民鄉

三六里

小段庄自新鄉

三七里

張堤自新鄉

三九里

西至武陟縣治
四十三里

東浮庄共和鄉

三九里

西浮庄民有鄉

四十里

西南至武陟縣
治五十里

馮庄和平鄉

四三里

附馮庄者有衛村二三家趙
圪塔村二十戶

劉庄三友鄉

四四里

楊庄三友鄉

四四里

寺后平民鄉

四四里

永興屯 永興鎮

四五里

西至武陟縣治
四十五里

王村 自省鄉

四五里

西至武陟縣治
四十五里

五區

閻庄 迪化鄉城西

十里

葛庄 迪化鄉

十里

桑庄 迪化鄉

十里

蘇章營 公正鄉

十里

十里舖 瑞華鄉

十里

后庄 平安鄉

十里

邵庄 平安鄉

十二里

鄧庄 商陵鎮

十二里

張窪 裕民鎮

十五里

翟庄 裕民鎮

十五里

花庄潤華鄉

十五里

獅子營仁化鎮

二十里

岳庄西岳鄉

二十里

黃棟堤建義鄉

二三里

曹庄仁美鄉

城西南

十里

史庄克己鎮

十三里

三劉庄復禮鄉

十四里

常庄復禮鄉

十四里

刺狐寺建德鄉

十四里

吳庄清和鄉

十五里

大清營自興鎮

二十里

陳庄融卉鄉

二十里

羊二庄 羣策鄉

二十里

安儀 安儀鄉

二二里

距修武縣境約五里許

西張巨 羣裕鄉

二五里

中張巨 羣力鄉

二五里

范庄 濟物鄉

二五里

楊窪 羣善鄉

二五里

高廟 咸寧鄉

二八里

蔣村 和鄰鄉

二八里

西李村 同慶鄉

三十里

距修武縣境約五里許

宣陽驛 宣陽鎮

三五里

此鎮爲三縣所管與修武武陟境相連

軍庄 革新鄉

三八里

距武陟縣境約二里許

小營 明道鄉

四五里

周圍距修武縣境約二里許

劉庄光起鄉 城西北 十三里

穆家營光和鎮 十五里

招民庄招民鄉 十五里

劉橋同德鄉 二十里 距輝縣境約三十里許

孫庄興華鄉 二二里 距修武縣境約二里許

江營永華鄉 二五里 距修武縣境約二里許

六區 石佛和美鄉 城正北 八里

員庄慶雲鄉 十里

馬影營 橋橋庄 永樂鄉 十一里

三位三位鄉 十二里

溝西庄溝西鄉 十五里

三衛營優渥鎮 十八里

師庄	興福鄉	十八里
陶村	修業鄉	二二里
<small>張馬張莫營</small>	昌化鄉	二五里
<small>李何宋張莫</small>	安仁鄉	二五里
北馬營	崇儉鄉	二七里
王官營	端本鄉	二八里
羅召小營	羅召鄉	三十里
和庄	宣德鄉	三十里
<small>朱小鄴</small>	樂仁鄉	二八里
大鄴城	宣化鎮	三十里
<small>馮龍官營</small>	北極鄉	三四里
大梁塚	尙勤鄉	三二里

西丁庄 尙勤鄉

三五里

王 治 民治鄉

城西北

十里

前 魚池 平原鄉

十里

後魚池 平原鄉

十里

西淹溝 仁壽鄉

十五里

東淹溝 仁壽鄉

十五里

李善道小營 優裕鄉

十五里

紅廟靳村 健羣鄉

十六里

王靳村 修仁鄉

十七里

孫周 靳村 激化鄉

二十里

裴村營 裴翠鄉

三十里

母猪營 仁化鄉

三十里

吳冲河
李千戶營
仁化鄉

三二里

方台三光鄉

城東北

十二里

樓村崇化鎮

十三里

馮村自安鄉

十五里

安村健安鄉

十六里

南樊村對峙鄉

二八里

東樊村對峙鄉

三十里

西樊村健民鄉

三十里

周營小莊
三省鄉

三二里

按四區尙有榆林村在寺後村西北里許今廢衛村二三家趙圪塔村二十戶今皆附於馮庄舊名亦廢五區所轄周劉小營一村在修武縣境內六區所轄薄壁鎮甘泉鄉焦泉鄉蔴村小營在輝縣境內民國二十二年歸併插花地已分別割

歸修武縣輝縣故不具列此外尙有今無古有者如小梁庄在安村北今有古無者如小後庄在大鄆城東北隅附記俟考

